

Norazlina Abd Jalil

From: Mohd Amerul Shafiz Bin Hasbullah <amerul@uum.edu.my>
Sent: Wednesday, 13 May, 2020 12:58 PM
To: norazlinaabdjilil@gmail.com
Subject: FW: Era Baru Pelaksanaan Remote Learning Ke Arah Kampus Digital

From: UUM CORPORATE COMM.
Sent: 28 April 2020 12:32
To: UUM - All Staff <uumnet@uum.edu.my>; UUM - All Students <studentnet@uum.edu.my>
Subject: Era Baru Pelaksanaan Remote Learning Ke Arah Kampus Digital




UUM Corporate Comm.
Universiti Utara Malaysia

28 APRIL 2020 / 5 RAMADAN 1441H
=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee
Gambar oleh: Shamsaimi Ezil

ERA BARU PELAKSANAAN REMOTE LEARNING KE ARAH KAMPUS DIGITAL



UUM ONLINE: Pandemik Covid-19 yang melanda seluruh dunia termasuk Malaysia telah mengubah kehidupan masyarakat kini sehingga kerajaan terpaksa mengeluarkan arahan Perintah Kawalan Pergerakan (KP) sejak 18 Mac lalu bagi mencegah penularan wabak tersebut.

Arahan tersebut secara tidak langsung telah membataskan pergerakan dan aktiviti semua orang, tidak berkecuali pelajar dan pensyarah sama ada yang masih di kampus mahupun kampung halaman masing-masing.

Bagaimanapun, bagi memastikan proses pengajaran dan pembelajaran (PdP) tidak tergugat, pengurusan UUM telah mengambil langkah proaktif untuk meneruskan agenda pembelajaran pelajar menerusi kaedah pembelajaran secara maya atau *remote learning* yang bermula semalam.

Naib Canselor, Prof. Dato' Dr. Ahmad Bashawir Abdul Ghani berkata, *remote learning* adalah satu proses pembelajaran tanpa bersemuka secara atas talian (*online learning*) menggunakan internet atau kaedah komunikasi lain.

Menurutnya, buat julung kalinya pada tanggal 27 April 2020 menjadi detik sejarah baharu kepada universiti kerana semua aktiviti PdP dijalankan secara *online learning* sepenuhnya sehingga akhir semester.

Katanya, kaedah *remote learning* adalah satu keperluan dan medium terbaik bagi meneruskan aktiviti pembelajaran di universiti dengan mengambil kira semua input daripada pelajar dan pensyarah.

"Begitu juga aspek pentaksiran bagi kebanyakan kursus yang akan berubah kepada pentaksiran alternatif secara berterusan dan lebih holistik.

"Saya harap pelajar akan dapat menyesuaikan diri dengan kaedah-kaedah baru ini dan saya yakin dalam masa terdekat ini mereka sudah boleh menerima dan selesa dengan kaedah pembelajaran secara *online* dan *remote learning* ini," katanya.

Selain itu, beliau berkata, pihak universiti juga akan cuba berusaha untuk mengatasi sebarang masalah yang timbul ketika sesi PdP ini berlangsung.

Tambahnya lagi, sekiranya diizinkan juga, universiti berhasrat untuk meneruskan pelaksanaan kaedah pembelajaran ini sehingga penghujung tahun.

"Semua sedia maklum dalam menuju ke arah digital, apa salahnya kita memperkasakan sistem sedia ada kerana tiada guna jika kita buat separuh jalan tetapi kembali kepada kaedah yang asal.

"Dalam era globalisasi ini juga, saya yakin dengan kemahiran dan struktur yang ada di UUM, kita akan dapat menjadi *digital campus* dalam masa terdekat," katanya.



Please consider the environment before printing this e-mail



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.